



Broj: 02-45- 00655/24-12
Datum :18.06.2024.godine

Na osnovu člana 69. stav (2) i (3), te člana 70. stav (1) Zakona javnim nabavkama Bosne i Hercegovine ("Službeni glasnik BiH" broj:39/14 i 59/22), u postupku javne nabavke radova - Izvođenje radova po Programu izgradnje objekata komunalne infrastrukture za 2024. godinu putem otvorenog postupka , Općinski načelnik donosi:

O D L U K U

o djelimičnom poništenju postupka javne nabavke

I

PONIŠTAVA SE LOT -1 – Rekonstrukcija dijela tribina na stadionu FK Radnik iz otvorenog postupka javne nabavke radova - Izvođenje radova po Programu izgradnje objekata komunalne infrastrukture za 2024.godinu evidentiran pod brojem 02-45-00655/23 od 28.03.2024. godine, Obavještenje o nabavci broj: 1344-1-3-14-3-6/24 od 03.04.2024.godine, zbog dokazanih razloga koji su izvan kontrole ugovornog organa.

II

Ova Odluka bit će objavljena na web stranici Općine Donji Vakuf i dostavljena ponuđačima koji su učestvovali u postupku javne nabavke a u skladu sa članom 70. stav (6) Zakona o javnim nabavkama.

III

Ova Odluka stupa na snagu danom donošenja.

O b r a z l o ž e n j e

Dana 28.03.2024.godine Općinski načelnik je svojom odlukom broj:02-45-00655/24, pokrenuo postupak javne nabavke radova - Izvođenje radova po Programu izgradnje objekata komunalne infrastrukture za 2024. godinu. Procijenjena vrijednost javne nabavke je 349.795,00 KM bez PDV-a. Javna nabavka izvršena je u skladu sa članom 14. Stav 4. Zakona o javnim nabavkama putem otvorenog postupka podjelom na 3 (tri) LOT-a (LOT 1 – Rekonstrukcija dijela tribina na stadionu FK Radnik, LOT 2 – Izgradnja AB potpornih zidova na prvoj dionici lokalnog puta Oborci-Šeherdžik, LOT 3 _ Rekonstrukcija propusta na potoku kod Doma kulture u Donjem Vakufu), te je obavijest o

javnoj nabavci prosljeđena na portal javnih nabavki i objavljena pod brojem: 1344-1-3-14-3-6/24 od 03.04.2024.godine i objavljena u Službenom glasniku BiH broj: 24/24 od 05.04.2024.godine.

Odlukom o izboru najpovoljnijeg ponuđača broj: 02-45-00655/24-6 od 14.05.2024.godine ugovor za sva tri LOT-a dodijeljen je ponuđaču "STRUKTURA" d.o.o. Jajce, Skela bb, 70101 Jajce.

Predmetnu Odluku izabrani ponuđač "STRUKTURA" d.o.o. Jajce je zaprimio dana 16.05.2024.godine, te je bio dužan da u roku od 5 (pet) dana od dana prijema odluke dostavi dokumentaciju iz čl. 45. i 47. Zakona o javnim nabavkama.

Dana 20.05.2024.godine, izabrani ponuđač "STRUKTURA" d.o.o. Jajce je dostavio dokumentaciju iz čl. 45. i 47. Zakona o javnim nabavkama za LOT 2- Izgradnja AB potpornih zidova na prvoj dionici lokalnog puta Oborci-Šeherdžik i LOT 3 - Rekonstrukcija propusta na potoku kod Doma kulture u Donjem Vakufu, ali je propustio da dostavi predmetnu dokumentaciju za LOT 1 - Rekonstrukcija dijela tribina na stadionu FK Radnik.

U skladu članom 72. Stav (3) tačka a) Zakona o javnim nabavkama ("Službeni glasnik BiH" broj:39/14 i 59/22) Ugovorni organ je donio Odluku o izboru drugorangiranog ponuđača i dodijelio ugovor za LOT 1 - Rekonstrukcija dijela tribina na stadionu FK Radnik, drugorangiranom ponuđaču "ĐOGIĆ"d.o.o. Prozor-Rama, Magistrala bb, 88440 Prozor-Rama, sa ponudnom cijenom u iznosu od 52.000,00 KM bez PDV-a odnosno 60.840,00 KM sa PDV-om, čija je ponuda druga po rang listi nakon održane e-Aukcije.

Predmetnu odluku je drugorangirani ponuđač "ĐOGIĆ"d.o.o. Prozor-Rama zaprimio dana 03.06.2024.godine, te je bio dužan da u roku od 5 (pet) dana od dana prijema odluke dostavi dokumentaciju iz čl. 45. i 47. Zakona o javnim nabavkama, što navedeni ponuđač nije učinio.

Članom 69. Stav (3) Zakona o javnim nabavkama propisano je da ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

S obzirom da u predmetnom postupku javne nabavke nije bilo više ponuđača kojima bi ugovorni organ mogao ponuditi zaključenje ugovora, u skladu sa članom 69. Stav (3) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove Odluke. Žalba se podnosi u pisanoj formi ugovornom organu u dovoljnom broju primjeraka, a koji ne smije biti manji od tri.

Dostaviti:

- 1) "STRUKTURA" d.o.o. Jajce, Skela bb, 70101 Jajce
- 2) "ĐOGIĆ" d.o.o Prozor-Rama, Magistrala bb, 88440 Prozor-Rama
- 3) U spis

